



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՔՆՆՉԱԿԱՆ ԿՈՄԻՏԵԻ ՆԱԽԱԳԱՀ  
Հ Ր Ա Մ Ա Ն**

« 22 » 03 20 21 թ.

ք. Երևան

N 867

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՆՆՉԱԿԱՆ ԿՈՄԻՏԵԻ ՆԱԽԱԳԱՀԻ 2022  
ԹՎԱԿԱՆԻ ՀՈՒՆԻՍԻ 14-Ի ԹԻՎ 93-Լ ՀՐԱՄԱՆՈՒՄ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի  
Հանրապետության օրենքի 34-րդ հոդվածի 1-ին մասով և «Հայաստանի  
Հանրապետության քննչական կոմիտեի մասին» Հայաստանի Հանրապետության օրենքի  
12-րդ հոդվածի 2-րդ մասի 3-րդ կետով.

Հրամայում եմ.

1. Հայաստանի Հանրապետության քննչական կոմիտեի նախագահի 2022 թվականի  
հունիսի 14-ի «Հայաստանի Հանրապետության քննչական կոմիտեի ներքին  
կարգապահական կանոնները և Հայաստանի Հանրապետության քննչական կոմիտեի  
ինքնավար պաշտոն զբաղեցնող անձի վարքագծի կանոնները հաստատելու մասին» թիվ  
93-Լ հրամանի 2-րդ կետով հաստատված N 2 հավելվածի 13-րդ կետը լրացնել հետևյալ  
բովանդակությամբ 10.2 ենթակետով.

«10.2) Սույն կետի 10.1 ենթակետով նախատեսված որակավորման ստուգման,  
քննության կամ մրցույթի դրական կամ բացասական արդյունքների մասին տեղեկանալուց  
(հրապարակվելուց) հետո՝ եռօրյա ժամկետում, անմիջական վերադասի միջոցով  
իրազեկել Կոմիտեի անձնակազմի կառավարման վարչության պետին»:

2. Սույն հրամանն ուղարկել Հայաստանի Հանրապետության քննչական կոմիտեի նախագահի տեղակալներին, խորհրդականներին, Հայաստանի Հանրապետության քննչական կոմիտեի գլխավոր քարտուղարին, Հայաստանի Հանրապետության քննչական կոմիտեի հիմնական մասնագիտական կառուցվածքային ստորաբաժանումների պետերին, Հայաստանի Հանրապետության քննչական կոմիտեի ինքնավար պաշտոն զբաղեցնող անձանց և Հայաստանի Հանրապետության քննչական կոմիտեի անձնակազմի կառավարման վարչության պետին:



Ա. ՔՅԱՐԱՄՅԱՆ